



TOSHKENT DAVLAT YURIDIK UNIVERSITETI REKTORINING B U Y R U G' I

2020-yil « 7 » avgust

08-138-son

Тошкент давлат юридик университетида ахборот сиёсатини такомиллаштириш ва очиқликни таъминлашнинг қўшимча чора-тадбирлари тўғрисида

Ўзбекистон Республикаси Президентининг 2020 йил 29 апрелдаги ПФ–5987-сон “Ўзбекистон Республикасида юридик таълим ва фанни тубдан такомиллаштириш бўйича қўшимча чора-тадбирлар тўғрисида”ги Фармонида белгиланган вазифалар ижросини таъминлаш, Тошкент давлат юридик университети (кейинги ўринларда – университет)нинг янги имижини яратиш, университетда ахборот макони мониторинги ва таҳлилини юритиш, университет фаолияти бўйича жамоатчиликка қулай ҳамда тезкор маълумотларни тизимли ва ўз вақтида етказиб бориш, унинг нуфузини янада оширишни таъминлаш, университетнинг Интернет жаҳон тармоғидаги веб-сайти ҳамда ижтимоий тармоқлардаги расмий саҳифалари фаолиятини янада такомиллаштириш мақсадида

БУЮРАМАН:

1. Қуйидагилар:

Ёшлар билан ишлаш бўйича проректор А.Хашимҳонов университетда ахборот сиёсатини сифатли юритилишига умумий раҳбарликни амалга ошириши;

Жамоатчилик ва ОАВ билан ишлаш бўлими (Н.Умарова) таркибий бўлинма раҳбарлари билан биргаликда университетнинг расмий веб-сайти ҳамда ижтимоий тармоқлардаги расмий саҳифаларида маълумотларни жойлаштириш, ўзгартириш ва уларнинг доимий янгиланган ҳолатда бўлишини таъминлаб бориш учун масъул этиб;

Электрон университет маркази (Д.Дўстқобилов) университетнинг расмий веб-сайтини техник юритиш ва қўллаб-қувватлаш учун масъул этиб;

Хорижий тиллар ҳамда Ўзбек тили ва адабиёти кафедралари университетнинг расмий веб-сайти ҳамда ижтимоий тармоқлардаги саҳифаларида жойлаштирилаётган маълумотларни ўзбек (лотин алифбосида), рус ва инглиз тилларида имловий хатоларга текширилишига ва таржима қилинишига масъул этиб белгилансин.

2. Университетнинг расмий веб-сайтида жойлаштирилиши мажбурий бўлган маълумотларни тақдим этишга масъул таркибий бўлинмалар ва тақдим этиш муддатлари иловага мувофиқ тасдиқлансин.

3. Белгилансинки, университетнинг расмий веб-сайти ҳамда ижтимоий тармоқлардаги саҳифаларида:

университетда ўтказилиши режалаштирилган тадбир ва лойиҳалар тўғрисидаги маълумотлар мазкур тадбир ва лойиҳалар бошлангунга қадар камида уч кун олдин эълон қилиш;

ахборот хусусиятидан келиб чиққан ҳолда, ўтказилган тадбирлар (конференция, учрашув, давра суҳбатлари) тўғрисидаги маълумотлар шу куннинг ўзида (ўтказилгандан сўнг 2-3 соат ичида) эълон қилиш тартиби жорий этилади.

4. Университетнинг таркибий бўлинма раҳбарлари:

ўн кун муддатда расмий веб-сайтда мавжуд маълумотларни мазкур буйруққа мувофиқ янгиланган ҳолда жойлаштирасин;

расмий веб-сайтга жойлаштириш мақсадида тақдим этиладиган маълумотларнинг сифатлилиги, ишончлилиги, ҳаққонийлиги учун шахсан жавобгар этиб белгилансин.

5. Жамоатчилик ва ОАВ билан ишлаш бўлими (Н.Умарова):

Ҳуқуқий ташаббуслар ва инновациялар маркази (С.Латипов) билан биргаликда университет веб-сайтининг асосий ва иккиламчи доменлардаги контент таркибини «Ranking Web of Universities» (Webometrics) рейтинги талаблари асосида тайёрлашни ташкиллаштирасин;

“тармоқда тақдим этилганлик” (presence) мезони доирасида веб-сайтни фойдали маълумотлар билан тўлдириш ҳамда “кўринганлик” (visibility) мезони доирасида веб-сайтга ташқи ресурслар томонидан ҳавола қилинишини кўпайтиришга алоҳида эътибор қаратсин;

расмий веб-сайтга жойлаштирилган маълумотларнинг ҳолатини таҳлил қилиб борсин ҳамда таҳлил натижалари юзасидан ҳар чорак якуни бўйича университет ректорига ахборот тақдим этиб борилишини таъминласин.

6. Университет ректорининг 2014 йил 10 октябрдаги 08-196-сон буйруғи ўз кучини йўқотган деб ҳисоблансин.

7. Девонхона (Х.Абдуллаев) мазкур буйруқни барча таркибий бўлинма раҳбарлари эътиборига етказсин.

8. Мазкур буйруқ ижросини назорат қилишни ўз зиммамда қолдираман.

Ректор



Р.Ҳакимов

Лойиҳа киритди:

Мониторинг ва ички
назорат бўлими бошлиғи

Д.Маҳкамов



Келишилди:

Проректор

А.Ҳошимхонов

Юрисконсульт

А.Сафаров



Тошкент давлат юридик
университети ректорининг
2020 йил 7 августдаги
08-138-сон буйруғига
Илова

Университетнинг расмий веб-сайтида жойлаштирилиши мажбурий бўлган маълумотларни тақдим этишга масъул таркибий бўлинмалар ва тақдим этиш муддатлари

Т/р	Маълумотлар шакли	Муддат	Масъул ижрочилар
1.	Университет фаолиятининг ҳуқуқий асослари ҳамда унинг тарихига ва умумий фаолиятига оид маълумотлар	Маълумот ўзгарганда 1 кун ичида	Н.Умарова, А.Сафаров Х.Абдуллаев
2.	Университет тизимининг ташкилий тузилмасига оид маълумотлар	Маълумот ўзгарганда 1 кун ичида	Тегишли таркибий бўлинмалар
3.	Бўш иш ўринлари, ишга қабул қилиш шартлари ва номзодларга қўйиладиган талаблар тўғрисидаги маълумотлар	Маълумот ўзгарганда 1 кун ичида	А.Матмуратов
4.	Университет раҳбариятига оид маълумотлар	Маълумот ўзгарганда 1 кун ичида	А.Матмуратов
5.	Университет таркибий бўлинмалари фаолияти ҳамда уларнинг раҳбарлари тўғрисидаги маълумотлар	Маълумот ўзгарганда 1 кун ичида	А.Матмуратов, Таркибий бўлинмалар
6.	Университет раҳбариятининг маърузалари ва расмий баёнотлари	1 кун ичида	Н.Умарова,
7.	Университет томонидан хорижий давлат университетлари ва хорижий ташкилотлар билан ҳамкорликни амалга оширилган ишлар тўғрисидаги	Маълумот ўзгарганда 2 кун ичида	О.Якубов

	маълумотлар		
8.	Университет таркибидаги таълим муассасалари фаолиятига оид маълумотлар	Маълумот ўзгарганда 1 кун ичида	О.Солиев
9.	Университетнинг коррупцияга қарши курашиш сиёсатини амалга оширилиши билан боғлиқ маълумотлар	Ҳар чоракда кейинги ойнинг 5 санасига қадар	Х.Очилов, Ш.Пўлотов
10.	Университет билан боғланиш мумкин бўлган маълумотлар ҳамда ишонч телефонлари	Маълумот ўзгарганда 1 кун ичида	Д.Маҳкамов Х.Абдуллаев
11.	Университетда фаолияти йўлга қўйилган нодавлат-нотижорат ташкилотлари фаолияти бўйича маълумотлар	Маълумот ўзгарганда 1 кун ичида	Ш.Пўлотов
12.	“Янгиликлар” ва “Эълонлар” рукнларига жойлаштириладиган маълумотлар	1 кун ичида	Н.Умарова, Тегишли таркибий бўлинмалар